

**СССР-н, белвсн, ганц болн багъ бѳлтѳ гражданмудас
авдг алвиг, кѳѳкдтѳ кѳдлмшчнрѳс, ѳѳлд
церглѳчнрѳс болн нань чигн гражданмудас,
тер мет кѳѳкд уга ганц кѳѳкд улсѳс
авдгинь уурулхин тускар**

СССР-н Деед Советин Президиумин Указ

СССР-н Деед Советин Президиум токтаджана:

1. СССР-н, белвсн, ганц болн багъ бѳлтѳ гражданмудас
авдг алвиг, кѳѳкдтѳ кѳдлмшчнрѳс, ѳѳлд церглѳчнрѳс болн
нань чигн гражданмудас, тер мет кѳѳкд уга ганц кѳѳкд
улсѳс авдгинь уурулхмн.

2. 1944 джилин июлин 8-д гаргъсн „саата кѳѳкд улст,
олн кѳѳкдтѳ болн ганц экнрт государственн дѳнѳ
икдкхин, экнр болн кѳѳкд харлгъиг чанъгъахин тускар,
„Мать—героиня“ гидг кѳндтѳ нер токтахин болн „Материн-
ская слава“ орден болн „Медаль материнства“ гидг медаль
гаргъхин тускар“ гаргъсн СССР-н Деед Советин Президи-
умин Указд иим сольвр орулхмн:

—16-ч статьягъѳс „нег болн хойр кѳѳкдтѳ гражданмудиг“
гисн ѳг хайхмн;

—17-ч статьягъѳс „нег кѳѳкд бѳѳхлѳ—1 процент болн,
хойр кѳѳкд бѳѳхлѳ— $\frac{1}{2}$ процент теднѳ оругъѳс“ гидг ѳг
хайхмн.

3. Эн Указиг 1958 джилин январин 1-шинѳс авн кѳ-
цѳхмн.

СССР-н Деед Советин Президиумин ахлѳч

К. ВОРОШИЛОВ.

СССР-н Деед Советин Президиумин сеглѳтр

М. ГЕОРГАДЗЕ.

Москва, Кремль. 1957 джилин декабрин 18.